

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JP „Međunarodni aerodrom Tuzla”d.o.o.**

**Broj:01/I-1667-9/22**  
**G.Dubrave, 28.11.2022.godine**

Na osnovu člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14), te prijedloga Komisije za provedbu postupka javne nabavke na JP „Međunarodni aerodrom Tuzla“d.o.o., u ime uprave Javnog preduzeća v.d. Direktora JP „Međunarodni aerodrom Tuzla“ d.o.o., d o n o s i:

**O D L U K U**  
**o izboru najpovoljnijeg ponuđača**

**I**

Ponuda ponuđača **“DŽENA” d.o.o. Gradačac**, za ponuđenu jediničnu cijenu od **1.059.297,79 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci radova izgradnje i nadogradnje izlaznog gate-a na JP „Međunarodni aerodrom Tuzla“d.o.o..

**II**

Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

**IV**

Ova Odluka stupa na snagu danom donošenja, i objavit će se na web-stranici: [www.tuzla-airport.ba](http://www.tuzla-airport.ba) u skladu sa članom 70. stav 6. Zakona o javnim nabavkama.

## *O b r a z l o ž e n j e*

U postupku javne nabavke pokrenutom Odlukom o pokretanju broj: 01/I-1667/22 od 03.11.2022.godine, rok za dostavljanje ponuda bio je 24.11.2022.godine do 09:00 sati, te na javnom otvaranju održanom 24.11.2022.godine u 09:30 sati, u sali za sastanke JP „Međunarodni aerodrom Tuzla“ d.o.o. komisija imenovana Rješenjem broj: 01/I-1667-1/22 od 03.11.2022. godine, pristupila otvaranju pristiglih ponuda, što je konstatovano zapisnikom sa otvaranja ponuda broj: 01/I-1667-7/22 od 24.11.2022.godine.

U otvorenom postupku javne nabavke ukupna procijenjena vrijednost nabavke bila je 1.060.000,00 KM bez PDV-a. Komisija je konstatovala da su pristigle dvije ponude firme „DŽENA d.o.o. Gradačac i firme „KRISTAL“ d.o.o. Živinice. Na javnom otvaranju ponuda, prisustvovao je predstavnik firme „DŽENA“ d.o.o. Gradačac, Sendić Rasim koji je dostavio ovlaštenje uz ponudu za predstavljanje firme „DŽENA“ d.o.o. Gradačac na javnom otvaranju ponuda.

Komisija je konstatovala da su se za predmetnu nabavku prijavila dva ponuđača i to:

1. „DŽENA“ d.o.o. Gradačac, čija ukupna cijena ponude iznosi 1.059.297,79 KM bez PDV-a
2. „KRISTAL“ d.o.o. Živinice, čija ukupna cijena ponude iznosi 1.052.467,65 KM bez PDV-a

Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Komisija je nastavila sa evaluacijom pristigle ponude, te je konstatovala uvidom u priloženu dokumentaciju i suštinskom provjerom sadržaja i validnosti dokumentacije, da ponuda ponuđača „DŽENA“ d.o.o. ispunjava sve formalno-pravne, ekonomske i tehničke uslove odnosno zahtjeve ugovornog organa, te da ista može biti predmetom vrednovanja primijenom kriterija „NAJNIŽA CIJENA“.

Uvidom u ponudu firme „KRISTAL“ d.o.o. dostavljenasu tri dokaza u vidu potvrde o uspješno realizovanim ugovorima o izgradnji tri poslovna objekta traženim Tenderskom dokumentacijom u skladu sa članom 51. Zakona o javnim nabavkama.

U jednoj od tri dostavljene potvrde navedeni su građevinsko-zanatski radovi, radovi na elektroinstalacijama, radovi na instalacijama vodovoda i kanalizacije, i radovi na mašinskim instalacijama, dok na ostale dvije potvrde nisu navedene pomenute faze predmetnih radova.

Shodno navedenom, komisija konstatuje da ponuđač „KRISTAL“ d.o.o. u dostavljenoj dokumentaciji ne dokazuje tehničku i profesionalnu sposobnost kako je traženo u Tenderskoj dokumentaciji, te u skladu sa članom 68. stav 1. Zakona o javnim nabavkama komisija odbacuje ponudu firme „KRISTAL“ d.o.o.

Temeljem iznesenih činjenica komisija za provedbu postupka javne nabavke radova na realizaciji projekta izgradnje i nadogradnje izlaznog GATE-a jednoglasno je konstatovala da postoje uslovi za izbor najpovoljnijeg ponuđača te predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci dodijeli ponuđaču „DŽENA“ d.o.o. Gradačac čija ukupna ponuda iznosi 1.059.297.79 KM bez PDV-a, a u skladu sa članom 69. stav 1. tačka a), kao i članom 70. Zakona o javnim nabavkama.

Na osnovu prijedloga Komisije za provođenje postupka javne nabavke za nabavku radova izgradnje i nadogradnje izlaznog gate-a na JP „Međunarodni aerodrom Tuzla“ d.o.o., donesena je odluka kao u dispozitivu.

**PRAVNA POUKA:** Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

**Dostavljeno:**

**2 x Ponuđačima**

**1 x Evidenciji**

**1 x a/a**



**V.D. DIREKTORA**

**Dževad Halilčević**

*Halilčević Dževad*